

Imaanut aqqartartutut suliaqarneq aqqartartullu atortui il.il. pillugit inatsisip allannguutaasa Kalaallit Nunaanni atuutilersinnissaannik peqqussut

UAGUT MARGRETHE AAPPAAT, Guutip Saammassineratigut Danmarkip Dronningia, nalunaarpugut:

Inuussutissarsiorsinnaanermik inatsisip allannguutaanik inatsimmi nr. 364 majip 13-ianni 2009-meersumi § 19, imm. 2, tuniniaanermut inatsit, inuussutissarsiutit siuarsarnissaannut inatsit aamma Inuussutissarsiutinut Ineriartornermullu ministereqarfiup susassaarfiani inatsisit allat assigiinngitsut, qarasaasiakkut attaveqaaqqaaneq pillugu inatsimmi aalajangersakkat assigiinngitsut allannguutaannik inatsimmi nr. 1231, 18. december 2012-imeersumi § 70, imm. 4 aamma imarsiornermik inatsisip allannguutaanik inatsimmi nr. 618, 12. juni 2013-imeersumi § 12, imm. 2 aamma inatsisit allat assigiinngitsut naapertorlugit aalajangersarneqarput:

§ 1

Imaani aqqartutut suliaqarneq aqqartartullu atortui il.il. pillugit inatsimmi, tak. inatsimmik nalunaarut nr. 18, 7. januar 2000-meersoq, peqqussutikkut nr. 728, 19. august 2003-meersukkut Kalaallit Nunaanni atuutilersinneqartukkut, imarsiornerup isumannaatsuunissaanik inatsisip allannguutaata allangortinneranik inatsimmi nr. 1173, 19. december 2003-meersumi § 4-kkut allangortinneqartumi, umiarsuarni inuttat pillugit inatsimmi, imaani aqqartartutut suliaqarnerneq aqqartartullu atortui il.il. pillugit inatsimmi aamma inatsisini allani assigiinngitsuni kiisalu umiarsuit uuttortarneqartarnerannik inatsisip atorunnaarsinneranik peqqussutikkut nr. 212, 23. marts 2005-meersukkut Kalaallit Nunaanni atuutilersinneqartumi makku allannguutigittinneqassapput:

1. § 6, imm. 2, atorunnaarsinneqarpoq.

2. § 8, imm. 2, atorunnaarsinneqarpoq.
Imm. 3 kingorna imm. 2-nngorpoq.

3. § 9, imm. 4 aamma 5, atorunnaarsinneqarput.

4. § 10-mi, imm. 3, allanngussaaq »§ 8, imm. 3, oqaaseqatigiit aappaat« imaalillugu: »§ 8, imm. 2, oqaaseqatigiit aappaat.«

5. § 11 ima oqaasertaqassaaq:

»§ 11. Inuk imaanut aqqartartutut nunap allap uppersaataanik allagartalik, danskit inatsisaat naapertorlugu inuussutissarsiummut piukkunnaatilittut akuerisaasoq, imaanut aqqartartutut suliaqarsinnaatitaasoq aammattaaq Kalaallit Nunaanni imaanut aqqartartutut suliaqarsinnaatitaavoq.

Imm. 2. Inuussutissarsiutigalugu imaanut aqqarsinnaatitaaneq pillugu malittarisassanik erseqqinnerusunik inuussutissarsiutinut ineriartornermullu ministeri aalajangersaasinnaavoq, matumani ilanngullugit imaanut aqqartartutut nunap allap uppersaataanik allagartat akuerisaanissaat aamma sullissisup sullitamut paasissutissanik tunniussisussaataitanera pillugu.«

6. *Kapitali 4* atorunnaarsinneqarpoq.

7. § 18-ip kingorna § 19-mut qulequtaq sioqqullugu ikkunneqassaaq:

»*attaveqarneq*

§ 18 a. Pissutsit inatsimmi pineqartut imaluunniit inatsit naapertorlugu malittarisassiani pineqartut pillugit pisortanut pisortaniillu allakkatigut attaveqarnerit qarasaasiakkoortinneqartarnissaat pillugu inuussutissarsiutinut ineriartornermullu ministeri malittarisassiorsinnaavoq.

Imm. 2. Qarasaasiatigut attaveqartarneq pillugu inuussutissarsiutinut ineriartornermullu ministeri erseqqinnerusunik malittarisassiorsinnaavoq, matumani ilanngullugit it-systemit aalajangersimasut, qarasaasiakkut allakkanut ilusiliat immikkut ittut aamma qarasaasiakkut atsiorerit assigisaasaluunniit atorneqarnissaat.

Imm. 3. Nalunaarut qarasaasiakkoortitaq anngussimasutut isigineqassaaq tiguisussap ammarsinnaalerpagu.

§ 18 b. Inatsit malillugu imaluunniit inatsit naapertorlugu malittarisassiat malillugit, maskiinat taamaaqataaluunniit atorlugit atsiorerit erserseqqinnissaannut imaluunniit periaaseq aalajangiisup allakkiortulluunniit atsiorerata kinaassusersinissaanik paatsuugassaannngitsumik ersersitsinertalimmik pisortat aalajangikkanik allagaatinillu allanik pilersitsisinaanerat pillugu inuussutissarsiutinut ineriartornermullu ministeri malittarisassiorsinnaavoq. Aalajangiinerit allagaatillu taama ittut nallersuunneqarsinnaapput inummit namminermit atsiorneqarsimasutut.

Imm. 2. Elektroniskiusumik qarasaasiakkut suliat kisiisa tunngavigalugit aalajangiinerit allagaatillu allat pisortat pineqartut nassitsisutut taamaallaat taallugit pilersinneqarsinnaanerit pillugu inuussutissarsiutinut ineriartornermullu ministeri malittarisassiorsinnaavoq.«

§ 2

Peqqussut atuutilerpoq ulloq 1. juli 2014.